

BASES CONVOCATORIA

PRIMARIAS

ELECCIÓN AUTONÓMICAS

1. CUESTIÓNS XERAIS

1.1 Base normativa [Arts.176.2 RFD]

O presente documento aplica e desenvolve o procedemento de primarias para a elección da persoa que encabezará a candidatura electoral do PSdeG-PSOE para as eleccións autonómicas.

1.2 Autoridade electoral e Comité Organizador [Arts. 128, 130 e 131 RFD]

A autoridade electoral: A autoridade electoral ten por finalidade garantir o correcto desenvolvemento do procedemento, o cumprimento da normativa aplicable, a transparencia e obxectividade do proceso e o respecto ao principio de igualdade.

A autoridade electoral está integrada pola Comisión Nacional de Ética e polas mesas electorais.

O Comité Organizador: Para os efectos de despregar e coordinar o dispositivo técnico e loxístico para o proceso de elección, a Secretaría de Organización designará un comité organizador do proceso de primarias. Poderá ditar cantas normas ou instrucións considere necesarias para o correcto desenvolvemento do proceso das primarias.

Os órganos dos ámbitos inferiores deberán cumprir as directrices do Comité Organizador.

Contra as súas decisións caberá recurso ante a Comisión Nacional de Ética e en segunda instancia ante a Comisión Federal de Ética e Garantías.

O Comité Organizador estará formado polas seguintes persoas:

Presidente do Comité Organizador

José Manuel Lage Tuñas

Vogais do Comité Organizador

Lara Méndez López

Alberto Varela Paz

Margarita Martín Rodríguez

Silvia B. Fraga Santos

A Comisión de Primarias: estará formada pola Comisión Nacional de Ética, o Comité Organizador e os representantes das precandidaturas, que garantirá a igualdade entre os/as candidatos/as.

A Comisión de Primarias, en presenza dos/as representantes das candidaturas, poderá acordar calquera aspecto que afecte ao proceso.

1.3 Convocatoria e calendario [Artg. 179 RFD]

A Comisión Executiva Federal é o órgano competente para fixar o período para a presentación de candidaturas ao proceso, o da realización das actividades de información e a data de realización da votación. O calendario marco aprobado é o seguinte:

CALENDARIO PRIMARIAS OUTUBRO 2023 ELECCIÓN AUTONÓMICAS

PRIMARIAS ELECCIÓN AUTONÓMICAS		
Comisión Executiva Federal	Convocatoria e Calendario (Artg. 178.2 RFD)	9 de outubro (L)
	Peche censual (DA 5ª EF e Artg. 185 RFD)	1 de outubro
Presentación de precandidaturas	Artg. 133 RFD	9 – 11 de outubro (L-Me) (15h)
Recollida e presentación de avais	Arts. 136 a 138 RFD	11 – 18 de outubro (Me-Me) (15h)
Proclamación provisional de candidatos/as	Artg. 139 RFD	18 de outubro (Me)
Campaña de información	Arts. 141 a 143 RFD	Do 19 – 28 de outubro (X-S)
XORNADA DE VOTACIÓN (1ª volta)	Artg. 154 e 156 RFD	29 de outubro (D)
Proclamación provisional de resultados	Artg. 162 RFD	29 de outubro (D)
Prazo de recursos e proclamación definitiva	Arts. 162 e 163 RFD	29 de outubro – 1 de novembro (D-Me)
XORNADA DE VOTACIÓN (2º volta)	Artg. 163 RFD	5 de novembro (D)
Proclamación provisional de resultados	Artg. 162 RFD	5 de novembro (D)
Prazo de recursos e proclamación definitiva	Arts. 162 e 163 RFD	5 – 8 de novembro (D-Me)

1.4 Censo [D.A. 5ª EF, Arts. 180.1, 181.1 e 2 e 318.1 RFD]

O censo válido para o proceso de primarias será o actualizado e verificado pola Comisión Executiva Federal, autorizado polo Departamento de Atención ao Militante e á Cidadanía (DAMyC), e pechado a data 1 de outubro de 2023.

Considéranse militantes ou afiliados/as directos/as do PSOE e de XSG en pleno uso dos seus dereitos orgánicos a aqueles/as que, ademais de figurar de alta no peche censual anteriormente referido, teña satisfeita a cota correspondente ao primeiro semestre do 2023 ou a primeira cota de afiliación para as novas altas solicitadas antes da data de peche censual.

Sufraxio activo: Teñen dereito a votar os/as militantes e afiliados/as directos/as do PSdeG-PSOE e de XSG, en pleno uso dos seus dereitos orgánicos.

Os/as afiliados/as directos participarán na Agrupación Municipal que lle corresponda polo seu lugar de residencia segundo conste na base de datos do DAMyC.

Sufraxio pasivo: Ten dereito a presentar a súa candidatura ao proceso de primarias calquera militante ou afiliado/a directo/a en pleno uso dos seus dereitos orgánicos.

Tamén poderá presentarse calquera persoa que, non sendo militante nin afiliado/a directo/a se comprometa expresamente cos principios e valores socialistas e cumpra os requisitos normativos do PSdeG-PSOE.

2. PRESENTACIÓN DE PRECANDIDATURAS [Artg. 58.1.b) RFD]

Terán a condición de precandidatos/as, aquelas persoas con dereito a sufraxio pasivo que comuniquen formalmente a súa intención de concorrer ao proceso de primarias mediante o oportuno impreso e acepten expresamente as normas do proceso e, en concreto, as normas sobre medios materiais e de financiamento.

O calendario marco establece que o prazo para a presentación de precandidaturas será do 09 ao 11 de outubro ata as 15 horas do mediodía.

A presentación deberá formalizarse ante a Comisión Nacional de Ética, presencialmente, ou a través do correo cne@socialistasdegalicia.com

No caso de persoas que non sexan afiliadas ao PSdeG-PSOE será requisito imprescindible para formalizar a precandidatura a subscripción do documento de compromiso socialista.

Unha vez a Comisión Nacional de Ética verifique que a precandidatura cumpre os requisitos establecidos, poñerá en coñecemento do Comité Organizador a efectos de preparar o dispositivo técnico e loxístico para o desenvolvemento do proceso ao correo electrónico primariasxunta@socialistasdegalicia.com

Unha vez obtida a condición de precandidato/a facilitaranse os seguintes medios:

- Os impresos oficiais para a recollida de avais no seu favor
- Os datos estatísticos do censo
- O número de avais necesarios para ser proclamada a candidatura

- Os datos de contacto das agrupacións municipais ou de distrito

3. RECOLLIDA, PRESENTACIÓN E RECONTO DE AVAIS [Arts. 136.4 e 5, 137, 138 e 181.3 b) RFD]

Para adquirir a condición de candidato/a ao proceso de primarias para encabezar a candidatura do PSdeG-PSOE á presidencia da Xunta de Galicia será necesario obter o seguinte número de avais:

- i. Un mínimo do 6%.
- ii. Un máximo do 10%.

O calendario marco establece que o prazo para a recollida e presentación de avais será do 11 de outubro ao 18 de outubro (ás 15.00h).

O aval electrónico estará dispoñible a través da plataforma habilitada pola Comisión Executiva Federal, garantindo a identificación do avalista e a súa vontade de avalar á precandidatura da súa elección.

Os rexistros dos avais telemáticos facilitaranse oficialmente ao órgano verificador unha vez finalice o prazo fixado para a recollida de avais, para o seu recuento e verificación.

Os avais en formato papel serán individuais e nominativos para cada precandidato/a. O modelo oficial aprobado pola Comisión Nacional de Ética deberá ser accesible a través da páxina web do Partido e facilitarase a quen o solicite na Agrupación Municipal correspondente (en todo caso sempre estará dispoñible na Sede Nacional do Partido, en Santiago de Compostela).

Os avais deberán presentarse ante o órgano verificador, a Comisión Nacional de Ética a través dos representantes das precandidaturas ou, directamente ante a Comisión. Serán válidos os orixinais presentados ou os remitidos á dirección de correo electrónico habilitada (cne@socialistasdeg Galicia.com) sempre que se remitan no modelo oficial.

Unha vez finalice o prazo de recollida e presentación de avais, o día 18 de outubro ás 15 horas do mediodía, procederase á verificación e ao recuento dos avais polo órgano verificador.

Para proceder á verificación dos seus avais, o/a precandidato/a deberá achegar a declaración de bens, actividades e intereses e o documento de compromiso socialista debidamente cumprimentado e asinado.

Os criterios xerais de validez dos avais son os seguintes:

- Serán válidos todos os avais presentados mediante o sistema de aval electrónico.

- Serán válidos os avais presentados no modelo oficial que contén coa copia do anverso do DNI do/a militante ou afiliado/a directo/a do PSdeG-PSOE e de XSG que outorga o seu aval.
- Ninguén poderá avala a máis dunha precandidatura diferente, considerándose avais nulos todos os emitidos por unha persoa a favor de máis dunha candidatura, aínda que sexa a través de distintos medios.
- Considerarase un único aval válido emitido por quen avalase máis dunha vez a favor da mesma precandidatura, a través de calquera dos medios previstos.
- Non serán válidos os avais presentados en formato de aval múltiple ou distinto ao modelo oficial.

4. PROCLAMACIÓN DE CANDIDATOS/AS [Arts. 139 e 140 RFD]

Verificados e validados os avais presentados, a Comisión Nacional de Ética realizará unha proclamación provisional de candidaturas, contra a que caberá recurso de reposición en primeira instancia ante a propia Comisión dentro dun prazo de 24 horas desde o mesmo momento da proclamación.

Contra a súa resolución cabra recurso en segunda instancia ante a Comisión Federal de Ética e Garantías dentro dun prazo de 24 horas desde o mesmo momento da comunicación e a resolución.

Os recursos poderán interpoñerse por calquera dos/as precandidatos que acudiron ao proceso de verificación e recuento de avais. Aqueles que non acudiron a ese acto entenderase que renuncian á súa condición de parte do proceso electoral.

En ningún caso serán recurribles feitos, acordos ou decisións que non sexan determinantes na proclamación ou non como candidatura de calquera precandidatura.

Transcorrido o prazo de presentación e resolución de recursos, sen que se presentara ningún a proclamación devirá en definitiva.

No caso de que se interpoña recurso, o órgano competente para resolver será o competente para a proclamación definitiva, é dicir, a Comisión Nacional de Ética en primeira instancia e a Comisión Federal de Ética e Garantías en segunda instancia.

Só se abrirá o proceso electoral interno de primarias no suposto de existir máis dun/a candidato/a proclamado/a. En caso de resultar proclamada definitivamente unha única candidatura non se celebrará a votación e darase conta á Comisión Nacional de Listas.

5. CAMPAÑA DE INFORMACIÓN [Arts. 141-143 RFD]

A campaña de información, conforme ao calendario marco, desenvolverase entre os días 18 ao 28 de outubro, ambos inclusive.

Ás candidaturas, unha vez proclamadas, facilitaránelles en igualdade de condicións os seguintes recursos:

- Un espazo físico cedido polo PSdeG-PSOE, na sede nacional que sirva como oficina-despacho da candidatura.
- Un espazo na páxina web oficial do PSdeG-PSOE.
- As candidaturas poderán, se o desexan, dirixirse unha única vez á militancia e á afiliación directa, no seu caso, con cargo aos fondos do Partido, mediante envíos de propaganda, dentro dun criterio de austeridade e emprego racional dos medios comúns.
- Comunicacions por email a todos os electores que conforman o censo electoral e ás agrupacións do PSdeG-PSOE, dentro dos límites que estableza a Comisión Nacional de Ética.
- A súa coordinación coa oficina de prensa do PSdeG-PSOE.

Sen prexuízo do anterior, o Comité Organizador poderá pactar a posta a disposición doutros medios ou a realización de determinadas actividades, sempre dentro dos criterios establecidos pola Comisión Nacional de Ética.

O Comité Organizador facilitará a celebración de debates internos, que serán abertos aos integrantes do corpo electoral, celebrándose polo menos un entre todos/as os candidatos/as, previa consulta cos representantes das candidaturas.

A celebración de debates de difusión pública deberá autorizarse previamente pola Comisión de Primarias.

Os/as candidatos/as deberán manter un comportamento adecuado aos principios do PSdeG-PSOE e, sen prexuízo da individualidade da campaña de cada candidatura, todos os actos e accións que as candidaturas desenvolvan dentro da campaña de información deberán respectar e garantir uns criterios básicos de unidade de imaxe corporativa do Partido que serán establecidos polo Comité Organizador.

As candidaturas están obrigadas a respectar a normativa interna do Partido, o presente Regulamento e as instrucións ditadas polo Comité Organizador e a Comisión Nacional de Ética.

As candidaturas non poderán acceder a datos persoais da militancia ou afiliados/as directos/as, sempre de acordo co estipulado no desenvolvemento da lexislación de Protección de Datos de carácter persoal.

6. FINANCIAMENTO DAS PRECANDIDATURAS E CANDIDATURAS [Arts. 144-147 RFD]

As precandidaturas e candidaturas realizarán as súas campañas de información atendendo aos principios de austeridade, responsabilidade e transparencia, estando en todo momento sometidas ao control do Comité Organizador e da Comisión Nacional de Ética, que establecerán as condicións e limitacións para o financiamento, os gastos e a contabilidade do proceso de elección por parte das candidaturas, velando e asegurando, xunto co Comité Organizador, que aqueles se axustan ás normas previstas no Regulamento Federal de Desenvolvemento dos Estatutos Federais, así como do cumprimento dos mecanismos para garantir a súa transparencia.

Cada precandidato/a e os seus representantes, comprométese a cumprir o desenvolvemento e aplicación da normativa de financiamento para todo o proceso de elección, cuxa aceptación será obrigatoria para concorrer ao proceso de primarias.

O incumprimento de calquera das instrucións supoñerá o cesamento inmediato da correspondente actuación, comunicándoo, no seu caso, ás autoridades competentes, sen prexuízo de que se poidan adoptar as medidas de carácter disciplinario ou de ordenación do proceso que correspondan nese momento, incluída a decisión de apartar do devandito proceso aos responsables do incumprimento.

7. XORNADA DE VOTACIÓN [Artg. 154 RFD]

A xornada de votación desenvolverase, conforme ao calendario marco, en primeira volta, o día 29 de outubro entre as 10.00 horas e as 20.00 horas.

Excepcionalmente, para os centros de menos de 100 electores poderase establecer un horario reducido de votación de, polo menos, 2 horas de duración baixo os criterios establecidos polo Comité Organizador.

Devandito horario deberá comunicarse ao Comité Organizador previa a publicación dos centros de votación e ser autorizado por este.

O acto de votación é único. Só poderá interromperse por causa de forza maior ou caso fortuíto.

As Comisións Executivas de cada centro de votación articularán os medios oportunos para garantir unha estancia individual ou espazo para a preparación polos/as electores, en segredo, do voto.

En todo caso o lugar e o horario de votación deberán facerse constar na convocatoria que se remita desde as agrupacións.

En caso de ser necesaria unha segunda volta celebrarase o día 05 de novembro.

7.1 Centros de votación e Mesas Electorais [Arts. 149 e 150 RFD]

Como norma xeral, as agrupacións municipais e de distrito serán os centros electorais, con excepción das que teñan un censo inferior a 10 votantes.

Os militantes das agrupacións cun censo inferior a 10 votantes exercerán o seu dereito ao voto no centro de votación asignado para o cal, a Secretaría de Organización Provincial debe elevar ao Comité Organizador unha proposta de centros de votación para a súa aprobación ou modificación antes da finalización do prazo para a presentación de avais.

Dita proposta poderá agrupar a varias destas agrupacións para alcanzar o número mínimo de electores, sempre que estean próximas xeograficamente, e designar a sede dunha delas como centro de votación.

Ao ter posibilidade os electores de solicitar voto desprazado, a Secretaría de Organización Provincial indicará aqueles centros de votación que pola súa natureza ou características non reúnen as condicións para recibir solicitantes de voto e non serán considerados como centros públicos de votación.

En cada centro de votación establecerase como mínimo unha Mesa electoral. Se o censo é de entre 500 e 1000 electores poderán establecerse dúas mesas de votación. O censo de electores dunha Mesa non poderá superar os 1.000 electores.

Para o proceso de votación elixirase unha mesa formada por unha presidencia e dúas vogalías mediante sorteo das persoas que conformen o censo provisional do correspondente centro de votación. Para ese efecto, a Comisión Executiva do centro de votación poderá fixar na convocatoria un momento previo, como máximo 24 horas antes do inicio da votación, para a súa elección.

7.2 Desprazamento de voto [Artg. 152 RFD]

Habilitarase a posibilidade de solicitar o desprazamento de voto para aqueles electores que non poidan acudir á agrupación que lles corresponde de acordo coa súa situación censual.

Desde a proclamación de candidaturas e ata o día 24 de outubro, o Comité Organizador habilitará o procedemento de solicitude de voto desprazado e, como norma xeral, admitirá todas as solicitudes de desprazamento de voto a centros de provincia diferente da de orixe e estudará as solicitudes de desprazamento de voto entre centros da mesma provincia.

7.3 Listaxe de Electores [Artg. 151 RFD]

O único censo oficial e válido será o actualizado e verificado pola Comisión Executiva Federal e autorizado polo DAMyC. Conformarán o censo electoral:

- Os/as militantes e afiliados/as directos/as do PSdeG-PSOE
- Os/as militantes de XSG

O Departamento de Atención á Militancia e a Cidadanía facilitará ao Comité Organizador establecer un período de corrección para poder facer alegacións sobre erros que puidesen existir ata o 16 de outubro.

O DAMyC remitirá a cada mesa as listaxes de votación válidos para o desenvolvemento da xornada de votación.

Na devandita listaxe figurarán identificados, ademais dos/as militantes da agrupación que é centro de votación, os/as afiliados/as directos/as, os militantes de XSG, os/as interventores/as das candidaturas e os votantes desprazados se houbese.

7.4 Interventores/as e Apoderados/as [Artg. 153 RFD]

Cada candidatura poderá acreditar ata o día 24 de outubro un máximo de dúas persoas con dereito de sufraxio activo como interventores/as dunha mesa electoral e tamén os apoderados/as na mesma data.

Para a súa identificación estenderase a correspondente certificación desde o Comité Organizador e poderán levar visibles os distintivos autorizados por este.

Os/as apoderados/as votarán na mesa na que estean censados e exercerán as súas funcións participando con voz, pero sen voto, en calquera Mesa electoral, podendo presentar as protestas ou reclamacións que estimen oportunas ante as operacións electorais da Mesa.

Os/as interventores exercen o seu dereito ao voto na mesa ante a que están acreditados, por tanto, no caso de que sexan designados nun centro electoral distinto ao que lle corresponde segundo o censo para a súa designación deberán realizar a aceptación da súa designación por vía telemática ou mediante o correspondente impreso xunto cunha copia do anverso do DNI.

Os/as interventores/as exercerán as súas funcións participando con voz, pero sen voto, a Mesa Electoral que están acreditados, podendo presentar as protestas ou reclamacións que estimen oportunas ante as operacións electorais e asinan a acta da Mesa.

Debido á aplicación da normativa sobre protección de datos persoais, ao tratarse dun proceso interno do partido, en ningún caso poderán ter copia do censo da mesa electoral.

8. DESENVOLVEMENTO DA XORNADA DE VOTACIÓN [Arts. 155-160 RFD]

Constitución da mesa

O día da xornada de votación, á hora estipulada, constituirase a Mesa Electoral e acreditará aos interventores que se presenten.

Co acto de constitución e a acreditación de interventores, así como con calquera incidencia que se expoña, a Mesa estenderá a correspondente acta de constitución.

Unha vez constituída a mesa e comprobado que están todos os materiais para o desenvolvemento da votación anunciarase o inicio desta.

Votación

Os/as electores exercerán o seu dereito ao voto no centro de votación en que se achen rexistrados/as. Os/as electores acreditarán a súa identidade ante a Mesa, exclusivamente, mediante a presentación do DNI, pasaporte, carné de conducir ou NIE. Comprobada a presenza do elector no censo da Mesa, o elector exercerá o seu dereito ao voto.

Papeletas e sobres

O voto constará de papeleta e sobre oficial, como norma xeral, cuxo modelo será aprobado pola Comisión Nacional de Ética.

Con antelación á xornada de votación, desde o Comité Organizador facilitaranse os modelos e plantillas, de tal maneira que haxa suficientes ao comezo da xornada de votación.

Fin da votación e escrutinio

Á hora establecida para o peche da votación, a Presidencia da Mesa anunciará o fin do acto de votación, permitindo o voto a quen, non exercéndo, se ache no centro de votación. Posteriormente, exercerán o seu dereito ao voto os/as interventores/as e os/as membros da Mesa.

Concluídos os trámites anteriores procederase ao escrutinio dos votos.

Considerarase un único voto válido ao sobre que conteña varias papeletas da mesma candidatura.

Consideraranse votos en branco:

- O emitido en sobre sen papeleta
- O que conteña unha papeleta branca confeccionada como tal.
- Consideraranse votos nulos:
 - ✓ Os emitidos con sobres ou papeletas diferentes dos oficiais
 - ✓ Os emitidos sen sobre
 - ✓ Os sobres que conteñan papeletas de diferentes candidaturas
 - ✓ Aqueles nos que, no sobre ou na papeleta, se realizaran inscricións, salvo aquelas que, pola súa entidade, non xeren dúbidas sobre a vontade do elector.

Actas

Finalizado o escrutinio, a Mesa estenderá e asinará a acta cos resultados no modelo aprobado pola Comisión Federal de Ética e Garantías, que tamén asinarán os/as interventores/as das candidaturas presentes.

Na acta reflectiranse as incidencias da sesión, así como as protestas das candidaturas.

Unha copia da acta facilitarase a través dos medios electrónicos habilitados pola Comisión Federal de Ética e Garantías.

Unha copia da acta remitirase o máis axiña posible, á Comisión Nacional de Ética. Tamén se enviará, en soporte físico, toda a documentación da mesa, incluíndo necesariamente o censo punteado e a acta de escrutinio. Xunto á acta haberán de remitirse os escritos de reclamación ou protesta formulados polos representantes das candidaturas, os votos nulos e aqueles cuxa validez fose cuestionada.

8.1 Proclamación de resultados [Artg. 163 RFD]

Recibidos os datos do escrutinio das mesas electorais, a Comisión Nacional de Ética proclamará o resultado provisional da elección.

Contra o resultado provisional, as candidaturas poderán interpoñer recursos de reposición ante a Comisión Nacional de Ética no prazo de 24 horas desde o final do acto de votación. Caberá recurso en segunda instancia ante a Comisión Federal de Ética e Garantías a presentar no prazo de 24 horas desde a resolución da primeira instancia.

9. RATIFICACIÓN DOS/AS CANDIDATOS/AS [Arts. 188.1 e 2 RFD]

Considerarase electa a persoa para encabezar a candidatura do PSdeG-PSOE á presidencia da Xunta de Galicia cando:

- Sexa proclamada unha única candidatura tras o proceso de avais.
- Unha candidatura supere o 50% dos votos válidos na primeira volta do proceso de primarias.
- A candidatura que obteña maior porcentaxe de votos válidos na segunda volta do proceso de primarias.

A competencia da ratificación definitiva das candidaturas corresponde ao Comité Federal.